



UNIVERSITÄTS-
BIBLIOTHEK
PADERBORN

Universitätsbibliothek Paderborn

Galeoti Martii Narniensis De Homine Libri Dvo

Galeottus <Martius>

Basileae, 1517

Lien

urn:nbn:de:hbz:466:1-31834

Dentesq; fabellicus exacuit sus.
Et Horatius primo Carminum,
Namq; me sylua lupus in Sabina.
Dum meam canto Lalagem & ultra
Terminum curis uagor expeditus
Quale portentum neq; militaris,
Daunia in latis alit Aesculetis,
Nec iubæ tellus generat leonum

Fugit inermem

Arida nutrit.

Biliosus.

Pro quodā miraculo^o posuit. Sed diu uagati sumus, ad rem
igitur nostrā redeundum est. A bile biliosus deriuatur. Cor-
nelius Celsus, aut liuidum, aut biliosum, idem, sputum etiā
biliosum aut purulentum. Idem in quarto, Si utriliber ætas
est, accidit periculo uomitus biliosus, mali odoris, aut ua-
rius, aut niger.

LIEN

Lien.
Splen.



LIEN Latine, græce autem splen, est in parte sin-
stra iecori oppositus, non transuerso sepro ut
iecur. Sed intestino innexus est crassitudinis
longitudinisq; modicæ sine fibris, a concauo
stomachūm assequitur. a gibbo uero dorso alligatur. Dicit
etiam ab antiquis hic lienis trium syllabarū in nominatiuo.

Lienis
magnitu-
do causa
risus in/
teperatis.
Lienis
exilitas
causa, cur
quidā nō
rideant.

Cornelius tertio, Si iecur aut lienis est affectus. Huius autē
magnitudine intemperantiam risus fieri affirmant physici
& Persius non inficiatur cum dicit,

Sed sum petulanti splene cachinno.

Sic ecōtrario qui liene carent, aut breuissimo utuntur liene
rident nunq̄. quamobrem Crassum Crassi qui apud Par-
thos perijt auum, risisse nunq̄ ferunt. & ob hoc Agelastum
cognominatū.

cognominatum. Lien ita plerunq; intumescit, ut cingere hominem uideatur. & humore pariter subcutaneo & fædo anhelitu afficere. Plautus in Curculione. Nam quasi zona liene cinctus ambulo. geminos in uentre habere uideor filios. nihil metuo, nisi medius disrumpar miser. A liene Lienosus, qui morbo lienis laborat, certa deriuatione formatur. Plinius septimo, De Pyrrho cuius pedis pollex lienosis medebatur, Hoc a latino. Et a splene quod græcum diximus, qui eodem morbo uexatur, spleneticus fit. Plinius uigesimo, folia decocta spleneticis in cibo data. Spleneticis sinistrum latus dolet. intumescit enim splen, & stomachum non sine dolore humectat. Liene uulneribus exempto animalia uiuere, & eundem in dorso impedimento esse affirmat, Plinius. Vnde ioco dictum uidetur illud Plauti in Curculione, cum lenoni dicenti, Lien disructus est, respondit Palinurus seruus, Ambula id lieni optimum est. Septem sunt intra hominem, quæ a Græcis nigra membra uocantur, ut ait Macrobius. Et lingua, corde, pulmone, iecore, liene, enumeratis, deniq; & renes duo referuntur. de quibus ordo exposcit, ut aliquid dicamus.

Lienosus

Splenicus.

Nigra membra.

RENES

RENES dicti sunt teste Varrone, quia in eis sunt reni humoris obsceni. Ab ipsis enim ad medullam spinæ, quam semē uiri dicunt, sunt uia, per quas humor obscenis, id est, semen ad colem usq; delabitur. Et sunt duo, qui lumbis sub imis coxis adherent, ut uerbo Cornelij utar. Situs eorum & forma patet, nam in unoquoq; animante in adipe immerguntur, ab

u 2 ea parte